

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

INISIATIF PERKARA e- DAGANG

PUTRAJAYA, 25 APRIL 2019 - Buku Panduan Menjalankan Perniagaan E-Dagang kepada Peniaga merupakan salah satu inisiatif *Quick Win* di bawah Pelan Tindakan Bersepadu eDagang Kementerian Perdagangan Dalam Negeri dan Hal Ehwal Pengguna.

Buku panduan ini diterbitkan bertujuan untuk memberi panduan kepada peniaga dalam talian yang telah atau akan memulakan perniagaan serta sebagai sumber rujukan kepada pengguna berkaitan senarai semak yang perlu ada pada peniaga dalam talian sebelum melakukan sebarang transaksi.

Selaku kementerian yang bertanggungjawab melindungi kepentingan pengguna, buku panduan ini memberikan pelbagai tips dan cara-cara untuk menjalankan perniagaan dalam talian dengan beretika. Selain daripada itu, buku panduan ini juga merupakan satu pendekatan untuk mengurangkan bilangan aduan berkaitan penipuan dalam talian.

Melalui buku panduan ini, peniaga boleh menyemak undang-undang yang perlu dipatuhi oleh peniaga dalam talian, tips-tips bagi memulakan perniagaan dalam talian serta maklumat-maklumat umum yang berkaitan dengan perniagaan dalam talian. Secara keseluruhannya, penerbitan serta pelancaran buku Panduan Menjalankan Perniagaan E-Dagang Kepada Peniaga oleh Kementerian ini merupakan satu inisiatif yang perlu disambut baik supaya dapat dijadikan panduan kepada peniaga dalam talian dan rujukan kepada pengguna umumnya.

Penghasilan buku panduan ini dapat melahirkan lebih ramai peniaga dalam talian yang beretika serta memacu perkembangan industri eDagang di Malaysia.

###
